

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Cap. XII. De spiritu humano. Mira ejus diversitas. Vnde haec oriatur. Quàm  
difficilis ipsius cognitio. Quibus signis discerni possit.

**urn:nbn:de:hbz:466:1-10805**

non recordatur, aut de his interrogatus nescit respondere. Plura de his alii: hæc pro meo instituto satis sunt.

15. Quia diabolus earnis & mundi satellitio uti solet, ut suggestionibus suis hominem ad malum impellat, pauca huic Capiti de spiritu carnali & mundano adnectenda sunt. Caro domesticus hostis, quo carere non possumus, semper concupiscit adversus spiritum: mundus in quo vivere nos oportet, nos undique obsidet, sive que principis, quæ ex parte diaboli sunt, nos imbuere non cessat. Caro semper triggerit mollia, mundus vana. Sapientia carnis Deo inimica nihil sapit nisi delicias: prudentia mundi in querendis divitiis & honoribus incessanter occupatur. Carnis desideria sunt infinita: mundi superbia immensa est. Spiritus carnis cogitationes fuggerit de potu, de cibo, de somno, de sensu voluptatibus: spiritus mundi de arrogancia, de jactantia, de opibus, de ambitione, de dignitatibus. Carnalis spiritus decipit interdum viros spirituales carnalem in eis amorem erga aliquam personam excitans sub specie pietatis & spiritualium institutionum. Hoc visco cape animæ sanctæ, quæ jam libero volatu per alta cælorum discurrebant, in laqueum perditionis pudendo lapsu ceciderunt, quod sepi vidimus cum multorum scandalo, & ipsarum deplorabili ruina. Facile autem discernitur carnalis amor, neque enim ignis abscondi potest, lumine qui semper prodit ipse suo. Et primo quidem indicium est carnalis amoris pauca de Deo loqui, plura de se, & de mutua dilectione: se mutuo laudare, invicem adulari, vitia & defectus excusare. Sequitur in alterius absentia inquietudo, & ex ea molestæ cogitationes, ubi sit, quid agat, quando veniet, an alteri impendat affectum. His accedit carnis blanditiae gestuum insolentia, solitarii secessus, occulta colloquia, atque alia ejusdem generis, quæ scribere superfluum est. Sanctus vero & spiritualis amor nihil horum novit, pudicus est, modestiam servat, nugas odit, oculos continet & manus, angulos non querit, pacem sectatur, arguit quos amat, orat pro amico, ipsumque in Deo diligit sive praefens, sive absens sit, & se studet in omnibus irreprehensibilem exhibere. Spiritus vero hujus mundi ex suis etiam operibus manifestum se facit: nam ut ait Augustinus (c), *Spiritus hujus mundi facit superbos, spiritus hujus mundi facit inflatos, spiritus hujus mundi facit ut putet se quisque aliquid esse, cum nihil sit.*

(c) *Lib. 50, homil. hom. 14.*

## C A P U T X I I .

*De spiritu humano. Mira ejus diversitas. Unde hæc oriatur. Quam difficilis ipsius cognitio. Quibus signis discerni possit.*

I. **H**umani spiritus nomine, quo intrinsecus movemur & incitamus, illum intelligi, qui à natura nostra peccato originali infecte emanat, ex his quæ supra diximus (a) satis comprobatum est, ubi etiam ostendimus, quibus indicis à divino & diabolico discerni possit. His ergo positis, ea nunc solitâ brevitate tractanda sunt, quæ ad singularem ejus notitiam propriè spectant. Illud autem antè omnia considerandum, quod hic instinctus ideo ad malum semper impellit, quia homo per peccatum primi parentis à Deo desertus & in leipsum relapsus, nisi divinâ gratiâ sublevetur, pravis subjacet concupiscentiarum motibus, sicut equus & mulus, quibus non est intellectus. *Humananatura*, ait Prosper (b), *in primi hominî prævaricatione vitata, etiam inter beneficia, inter præcepta & auxilia Dei, semper in deteriorem est proclivior voluntatem, cui committit non est aliud quam dimitti. Hec itaque voluntas vaga, incerta, instabilis, imperita, infirma ad efficiendum, facilis ad audiendum, in cupiditatibus &c., in honoribus sumida, cursu anxius, suspicionibus inquieta, gloria quam virtutum avidior, famæ quam conscientiae diligentior, & per omnem sui experientiam miserior, fruendo his quæ concupiverit, quam carendo; nihil in suis habet viribus, nisi periculi facilitatem: quantiam voluntas mutabilis, quæ non ab incommutabili voluntate regitur, tanto ciuius propinquat iniquitati, quanto acrius intenditur actioni.* Si miserabilem ruinam nostram ille describit prorsus ad mentem Augustini, qui ait (c): *Creatus est primus homo in natura sine vitio: creatus est rectus, non se fecit rectum. Quid se autem ipse fecerit, rotum est: cadens a manu figuli fractus est. Regebat enim cum ipse qui fecerat, voluit deserere à quo factus erat: permisit Deus, tanquam dicens: deserat me, & inceniat se, & miseriâ suâ probet, quia nihil potest sine me. O malum liberum arbitrium sine Deo! Experti sumus quid valeat sine Deo, id est, cri sati sumus. Nulla est vis eloquentia, quæ facis valeat hominis lapsi infelicitatem explicare,*

L1

quam

(a) *Cap. 3: &c. 4.* (b) *Lib. 1. de vocat. gentium cap. 6.*

(c) *Ser. 11. de verbis apostoli.*

quam pronus ad malum sit, quam inhabilis ad bonum, quot aerumnis expositus, quot morbis oppressus. Sicut veneno infecta potio totum corpus pervadit & inficit; ita magni illius peccati mortiferum virus totum genus humanum infecit, perdidit, destruxit. Inde tracta mortalitas, inde animi corporisque corruptio, inde cæcitas & ignorantia, hinc curæ inutiles, hinc noxiæ cupiditates, hinc lites, discordiae, & bella; hinc vani timores & insana gaudia, & non minor miseriarum multitudo quam criminum. Hinc densis tenebris offuscata mens evanescit in cogitationibus suis: voluntas languens ac viribus destituta concupiscentia & iniquitati turpissimâ servitute famulatur. Hinc homines quotquot sunt, nisi sicut et libarentur gratia Christi, infixi in limo profundi oculos avertunt a summo bono, & in amorem sui convertunt, perpetuo effusi in sensuum voluptates, nihilque agentes nisi ut hominibus placeant, & gloriæ serviant. Hoc principium humanorum instinctuum est, ex infecta radice pessimus frustus. Humana quippe natura, ait Gregorius (d), a statu conditionis sponte lapsa, & corruptionis sue putredini subdita, dum fibi ex semetipsa molestias gignit, hoc est jam facta quod tolerat. Unde nunc est ad summa appetenda se erigit, mutabilitatis lubricæ impulsu protinus ad semetipsam cadit; Cogitationis sue gressum figere nescit, sed infirmitatis sue lapsibus enervatur. Quæ nimis mutabilitatis sue onera, quia volens expedit, nolens portat.

II. Juvat etiam ad humanorum instinctuum exactam cognitionem, ut hominum, ita & spirituum ac ingeniorum admirandam varietatem prænoscere; nam sicut vultu, ita & mente nemo alteri similis est. Uni dedit Dominus quinque talenta, alii duo, alii unum. Quidam sunt robusto corpore, sed ingenio difficili & obtuso: alii prompto subtilique ingenio pollent, sed ob continuas infirmitates omnis eorum vis languescit. Quidam solitudinis & contemplationis amantes, ad curam temporalium inepti sunt: alii ad actiones & negotia apti, ad contemplationem parum idonei reperiuntur. Quidam sinceri & aperti nullis animum involucris tegunt: alii suos conceptus intus premunt, nec nisi per ambages expromunt. Quidam sponte officiis, & jucunditate ac hilaritate omnium gratiam demerentur: alii severi & tristes ab omni hominum commercio abhorrent. Quidam nobili & erecto animo semper aliquid sub-

lime & generosum meditantur: alii ad omnes fordem projecti nihil se indignum putant, dummodo que concupiscunt consequantur. Kursum nonnulli sunt tardioris ingenii, qui nihilo minus nativam hebetudinem industria corrigunt. Alii excellentissimi sunt, Angeli potius, quam homines, quorum quilibet secula vix numerum, aut alterum protulerunt. Nihil est tam arduum, quod non attingant, nihil tam implacatum, quod non evolant, nihil tam difficile, quod non expediant. Constat autem experientia, quod ingenia acutiora faciliter errant, rebusque novandis quam gerendis aptiora sunt, nam semper haerent, sibi que fingunt obstacula, quæ nunquam erunt, & importunitis subtilitatibus omnia turbant. Tertia vero sunt & magis tractabilia, quæ intra mediocritatem se continent. Porro hujus diversitatibus multæ sunt causæ. Prima est animæ & corporis mutuus consensus & conspiratio; patitur enim anima ab affectionibus corporis, a temperie & conformatione membrorum, ab organorum prava dispositione; corpus vero animi perturbationibus quasi procellis agitatur & commovetur. Secunda est diversum cuiusque temperamentum, variæ scilicet primarum qualitatum combinaciones, quæ sunt innumerabiles: mores autem animi sequi corporis temperamentum & Philosophi docent & experientia confirmat. Tertia ex variis perturbationibus oritur, quæ animum captivum trahunt, turbidorumque motuum seminaria sunt. Quarta est cœli terræque natura ducitur, sive ex aëris dispositione, ex qua diversos populorum & gentium mores esse constat: quædam enim nationes naturaliter bellicose, quædam imbellis sunt: nonnullæ feroce, aliae mites: quædam ingenia mollia ob cœli elementam, alia aspera suoque simillima cœlo. His accidunt educatio, institutio, aetas, conditio, alimenta, leges majorum, conversatio, & alia ejusdem generis, que non solum alios ab aliis, sed singulos a seipsis per intervalla distinguunt. Dignus est qui audiatur hac de re differens Tertullianus (e). Us frugum seminibus una generis cuiusque forma est, processus tamen varii; alia integræ statu evadunt, alia etiam meliora respondent, alia degenerant pro conditione cœli & soli, pro ratione operi & curæ, pro temporum eventu, pro licentia casuum: ita & animam licebit, semine uniformem, foetu multiformem: nam & hic etiam de locis interest. Thebis bebes et brutos nasci relatum est: Athenis sapiendi di-

(d) Lib. 8. m. 9. c. 3.

(e) De Anima cap. 2. §.

tendique acutissimos. Empedocles causam arguit & indolis & obtusae in sanguinis qualitate constituit, perfectum ac profectum de doctrina disciplina que deducit. Tamen vulgata jam res est gentilium proprietatum. Comici Phrygas timidos illudunt; Sallustius variis Mauros, & ferocios Dalmatas pulsat: mendaces Cretas titiam Apostolus inuicit. Fortasse an & de corpore & de valetudine aliquid accedit. Opinitas sapientiam impedit, exilitas expedit: paralysis mentem prodigit, pectoris servat. Quantò magis de accidentibus habebuntur, quæ citra corporulentiam & valentiam, vel acutum, vel obtundit. Acutum doctrinae, disciplinae, artes, & experientia negotia, studia: obtundit instinctus, ignavia, desidia, libidines, inexperiencia, otia, vita. Prout igitur hæ causæ diversimodè afficiunt homines, diversus quoque est eorum spiritus, diversi instinctus, diversæ motiones, & naturales impulsus, ut luce clarius constat.

III. Ex his autem colligitur, quād difficilis hujus instinctus cognitio. Est enim spiritus hominis veluti abysmus profundissima plena latitudinis & specubus, nemini pervia nisi Deo, & cui voluerit Deus revelare. Grande profundum est homo, inquit Augustinus (f), cuius capillos tu Domine numeratos habes, & non minuantur in te: & tamen capilli ejus magis numerabiles sunt, quād affectus ejus & motus cordis ejus. Nullus est hostis homini perniciosior, quād proprius ipsius spiritus. Subdolus, fallax, captiosus est; volubilis, curiosus, quietis impatiens, amantissimus novitatum. Nihil est tam deformis ab imaginatione confictum, quo ille non occupetur; nihil tam absolum & inane, quod non amplectatur. Nunc divino spiritui familiaris videtur, nunc diabolico servit; nec diu permanet in eodem statu. Callidissimus cùm sit, mirabilis subtilitate, ac industria se ipsum versat, ut se suaque commoda sub praetextu divinæ gloria & perfectionis occultet. Revera tamen procul ab illo Dei gloria est, procul amor perfectionis: nam seipsum in omnibus querit, se colit, se diligit, & sanctissima quæque à vero fine abstracta in seipsum tanquam in finem horribili sacrilegio convertit. Quare debet unusquisque cautius sibi & diligentius à se ipso quād à diabolo cavere: quia nulla est extra nos potentia, quæ nobis nocere potest, nisi nos ipsi impugnantibus arma, manum, & consensem præbeamus. Multi sunt quidem, qui nos impellunt in ruinam, impellit mundus, impellit diabolus, impellit homo: sed nemo acrius, nemo periculosius quād homo. Quæris quis sit

iste homo? respondet Bernardus (g). Quisque sui. Noli mirari, usque ad eum homo impulsor sui est, & summet precipitator, ut non sit quid ab altero impulsore formides, si ipse à te proprias contineas manus. Quis enim, inquit, (h) vobis nocere poterit, si boni æmulatores fueritis? Manus tua consensu tuus: si diabolo suggeste vel seculo suadente quod non oportet, assensum tuum tenueris, & non dederis membra tua armis iniquitati, nec permiseris regnare peccatum in tuo mortali corpore: bonum te æmulatorem probasti, cui malitia omnino nil nocuit. Impellit diabolus, sed non evertit, si quidem illi tuum negaveris assensum. Iste est, qui stantes in paradyso impulsit invidus & evertit, sed consentientes, non resistentes. Est & Mundus impulsor, quia in maligno positus est: impellit omnes, sed & solos evertit amicos suos, id est consentientes sibi. Ex quibus satis claret, quād sit homo precipitus impulsor sui, qui suo, sine alieno impulsu cadere potest, alieno absque suo cadere non potest. Cuinam borum præcipue resistendum? Nempe huic, qui è molestior, quod interior solis dejicere sufficit, cum sine ipso alii possint facere nihil.

IV. Hæc sunt quæ ad notitiam proprii & naturalis instinctus generatim premittenda fuerunt, nunc ad quēdam singularia signa deveniendum est, quibus ejusdem malitia & nequitia evidenter innoteſcat.

I. Nonnulli memores peccatorum suorum, vel acerbissimæ Christi passionis imbre lacrymarum perfusi repente compungi solent, adeo ut etiam in femitipos flagellis animadvertant: nonnulli etiam supernæ patriæ felicitatem considerantes subitâ quādam jucunditate affecti extra se rapiuntur: quæ omnia non Dei spiritus, sed amor sui & propriæ mentis acumen, ac præceps quædam naturæ commotio operatur. Quod facile ex hoc dignoscitur, quia cessante illâ commotione, impetuque sedato frigidi remanent & aridi, ac in solita vita relabuntur. Spiritus autem divini motio non est otiosa, sed magna operatur, ubi est. Unde sequitur, ex hac parte difficultam esse spirituum cognitionem, multa enim quæ sunt naturalis instinctus sèpè divino, sèpè etiam diabolico tribuuntur. Debet ergo unusquisque sedulo perscrutari cor suum, ne à proprio spiritu decipiatur, quem spiritum elationis Gregor. vocat (i). Hoc autem consequi nemo potest, nisi superbiâ è corde expulsâ, sedem Deo in se præparet sui dissidentiâ & humilitate. Neque enim receptaculum

L 2 sp̄

(g) Ser. 85. in Cant. (h) 1. Pet. 3. 13. (i) Lib. 7. mor. c. 3.

(f) Lib. 4. Confess. c. 14.

*spiritus Dei quisquam* efficitur, ut idem Gregorius ait (k), nisi spiritu suo primitus evanescatur: nec requiescit *spiritus Dei*, nisi super humilem & quietum, & trementem sermones Dei.

2. Contingit aliquando, ut opus aliquod quis incipiat verè propter Deum, ejusque gloriam & honorem, sed quia natura seipsum semper occulte querit, sensim & non advertens divini beneplaciti in progressu oblitiscitur, siuecum commodum & delectationem querit. Quod manifestè vel ex hoc appetet, quia si Deus successum operis infirmitate, vel alio casu impeditat, statim in anima perturbatio, inquietudo, turbidique motus excitantur, adeò ut ægrè divinae voluntati acquiescat. Pauci sunt, qui perspectam omnino habeant maliciam naturalis instinctus in subtilissima & occultissima sui questione. Cum enim omne bonum appetitui consonum sit, facile ad nos ipsos incurvamus, adeò ut etiam in intentionibus, quæ rectæ & divinae nobis videntur, nos ipsos queramus: quandoquidem id, quod placitum & commodum nobis est, magis allicit & afficit sensus & cor nostrum, idque potius respicimus in cunctis operationibus nostris, quam quod Dei est. Idem quoque accidit in ipso studio mortificationis, cum præsertim nimis anxium est: nam plerique sensus coërcent, affectus cohibent, carnem castigant, ab omni voluptate abstinent, specie quidem virtutis, sed reverâ ut videantur ab hominibus, vel ut quâdam spirituali delectatione perfruantur. Qui gratia instinctu movetur, latere cupit: natura se prodit. Nec ipsi quidem ab hoc malo immunes sunt, qui lumine supernaturali abundavit, ob frequentes considerationes, quibus ad seipsum insensibliter convertuntur.

3. Ad orandum, ad bona opera exercenda sicut oportet, certissimum est nos indigere gratia Dei; sed certum quoque est, posse nos sine gratia actus virtutum exercere motivo humano, si ve ex proprio amore, aut extimore servili. Estque in nobis tam exiguum lumen; ut certo distinguere non possumus, ex quo principio operemur, divinone an humano, ex charitate an ex cupiditate. Optamus quidem sursum elevare cor nostrum, & ab omni conversione ad nos ipsum emundare; sed hoc ipsum desiderium interdum provenit ex aliquo nostro subtiliori & secretiori emolumento. Possumus enim desiderare ab omni nostro privato amore exxi ob alium proprium amorem, possimus propter superbiam amare & optare humilitatem. Fit nimis in nostris internis actionibus circulus imperceptus.

(k) In Psal. ult. pœnit.

tibilis à nobis ad nos ipsos, semperque manet subtilissima quædam nobisque ignota radix philaustæ in corde; ita ut nonnunquam tunc maximè à divinis rationibus remoti sumus, cùm nos illis propiores arbitramur. Eliu Buzites apud Job (l) à spiritu Sancto se incitari creditur ad increpandum ipsum & amicos eius, cùm tamen à solo impetu proprii cordis moveretur. Quare reprehensus à Deo fuit, cuius causam agere videbatur, his verbis (m): *Quis est iste involvens sententias sermonibus imperitus?* Porro huic similes multi sunt, qui credunt se obsequium præstare Deo, cùm corum amor nihil aliud sit, quam concupiscentia, privatique commodi studium.

4. Si homo spiritualis, ut interdum contingit, aliquo sublimi lumine imbuatur, non facilè credendum est ab infusione gratiae ipsum oriri; potest enim procedere vel ex naturali mentis acuminè, vel ex usu meditandi, vel ex nuda rerum supernaturalium speculatione, jejunâ & arida manente voluntate, & omni rore gratiae destituta. Sicut arbor non ex ramis & floribus, sed ex fructibus estimatur; ita lumen ex operibus pensari debet, si hæc cum illo consentiantur. Tum solerter indagandum, an quidpiam lumini immissetur obscurum, impertinens, & à principiis christianæ perfectionis alienum. Nam ut docet Richardus (n), *Cum aliquis ad aliquid bonum movetur facile & cum aliqua cordis levitate, timendum est, quod bujusmodi levitas sit à carnalitate, maxime si aliquid ibi annexum sit, quod delectare humanitatem possit.* Item suspecta est cordis alacritas, quando impellitur ad aliquid homo cum quadam vehementia & impatientia dilationis, quia *Spiritus sanctus modestus est, & tranquillus, & temperatus sunt motus ejus.* Karus & difficilis est purus & verus amicitia amor erga Deum absque illa sui consideratione. Si possent homines abscondi ab oculis Dei & Mundi, pauci bonum operarentur, pauci abstinerent à malo.

5. Post lapsum turbari, contristari, & quasi desperare se posse proficere, ex occulta superbia, siue confidentia procedit. Humilis enim non miratur se labi, novit enim quod sine Deo nihil potest mortalis infirmitas, & ideo gratia ejus auxilium petens culpam suam corde contrito & tranquillo detestatur, & velocius surgens cursum suum majori fervore prosequitur. Signum quoque est humani spiritus, cùm quis ita suis exercitiis, officiis, ministeriis, tametis bonis & sanctis adhæret, ut si inde avocetur, & aliis à superioribus applicetur, in querelas & gemitus erumpat.

(l) Job 23. (m) Job 38.2. (n) In cant. cap. 17.

pat, deque sua perfectione actum potet, ac si mediis ad eam requisitis privat. Non quia revera ea magis idonea & efficacia ad ejus consecutionem finit, sed quia in his virtuoso affectu quiescebat, in his seipsum oblectabat, privatum suum commodum non Dei gloriam intendens. Amat natura quae pulchra, bona, & perfecta sunt, sibique complacet in illis, atque inde fit, ut in rebus, studiis & operationibus suis, etiam spiritualibus, omnem defectum oderit. Quod si hujusmodi defectus animum cruciat & torquet; evidens est rei pulchritudine & bona amorem ex natura procedere.

6. Movet humanus spiritus homines doctos cupidosque scientiarum ad res divinas & supernaturales discendas & investigandas, ut super alios emineant, ut seipso prædicit, ut curiositati satisfaciant. Hinc oriuntur verba magnifica, rara, & subtilia à multis prolatæ & scripta, quorum fructus est pruritus aurium, non salus aut conversio proximorum. Hinc libri Philosopherum stylo sublimi de virtute compositi, ut pote spiritu & vita destituti, mentem distrahant & spargunt per multa phantasmatæ; nec voluntatem accendere possunt ad pietatem, ad charitatem, ad unionem cum Deo. Sermo enim procedens ex instinctu naturæ, quamvis in se multa bona contineat, fructu tamen exiguis est, similis æri sonanti, & cymbalo tintinni. Verba autem Dei spiritu animata, licet in se exigua & simplicissima sint, uberes fructus parturiunt. Solec etiam humanus spiritus facile distrahi & effundi ad exteriora, & bonarum cogitationum multitudine ac varietate delectari; atque ita avertitur ab unitate, quæ sumimperè expetenda & sola necessaria est.

7. Habet humanus instinctus, in his quæ pertinent ad virtutem, comitem individuam prudentiam carnis; atque ideo plerique hominum vitæ mediocritate contenti ad gradum heroicum non aspirant; omnia enim seipso metiuntur, non potentia & efficacia divinae gratiae: & quia pati, deripi, & contemni timent; divitias, honores, corporis incolumitatem, cunctaque bona temporalia impensis amant, atque huc dirigunt quicquid agunt, quicquid loquantur, quicquid meditantur. Se videlicet frui optant tanquam ultimo fine, & se statuentes tanquam idolum sui intentionem à Deo ad seipso deflecent, quibusdam quasi præstigiis è sede mentis emoti, ut suis commodis obsequantur. Sic ut charitas non quærit quæ sua sunt, ita noxiis sui amor semper quæ-

rit quod suum est. Hic adeò prævaleat penetrabilis potentia est, ut non solum terrenis & temporalibus, sed cœlestibus etiam & spiritualibus, se immisceat, veneno suo inficiens studium orationis, usum sacramentorum, exercitationes virtutum: in quibus homines vel auram popularè captant, vel sanctitatis opinionem anticipantur, vel lumina à Deo obtainere, mollesque spiritus delicias, atque animi jucunditatē intendunt. Ad ipsa quoque poenitentia opera permanat hoc virus, nam sæpè post lapsum intimè dolet peccator, & vindice penâ carnem castigat, non propter Dei offendam uti par esset, sed ob notam infamia, vel ob iudicium existimationis, quam apud homines subire formidat: vel quia saltē coram se ipso vult innocens apparere: cùm autem in rebus caducis nulla requies inveniatur, tanta est in homine sui amante inconstantia, ut subinde studia & oblectamenta permutans, nec ipse quidem sciat quid velit, aut quid agat. Nunc in spem temere erigitur, mox labitur in desperationem: nunc futili lætitia dissipat, mox mærore conficitur. Modum scilicet non habet, nec medium tenet, semper in extremis. Similis est navi, quæ vago cursu huc & illuc agitata sæpius ad faxa alludit ac tandem miserabiliter naufragio perit. Ut enim docuit nos Dominus, *Qui amat animam suam perdet eam.* Ad hunc unum perniciosissimum sui amorem dirigenda sunt quæcumque de humano instinctu dici possunt, quia ab illo omnis humana motio excitatur: quare ipsi eradicando omnis industria adhibenda, ut sint homines dociles Deo, atque omnes humani affectus à Dei instinctu ad bonum impellantur.

## CAPUT XIII.

*De consolationibus, & desolationibus. Quot sunt earum genera, quæ causæ. Illorum vicissitudo. Quæ in illis pericula, quæ damnatio cavenda. Quomodo anima graviori desolatione probari & purgari soleat.*

I. **V**ARIOS esse spiritus, varias item eorum mutationes, ex his quæ hactenus dicta sunt, perspicuum est. Sed quia omnes illorum instinctus vel in gaudium sive consolationem desinunt, vel in tristitiam sive desolationem; doctrinæordo postulat, ut de consolationibus & desolationibus hoc Capite agamus. Est autem consolatio, si de Divina ierimo sit, suavitas quædam & interna jucunditas ac delectatio, quæ animam diversi-

L 3 modæ